



Vice Ministra das Financas, Sara Lobo Hamutuk ho Embaisador Australia Peter Robert Asina Akordu Apoiu Husi Governo Australia, iha Edifisio MOF, Aitarak Laran Dili.

Governo Australia Apoiu Governo Timor Leste Hamutuk Miliaun Hitu Dolar Australia Hodi Haforsa Komunitade nia Rezilensia atu Rekopera Ekonomia Durante Pandemia Covid-19

Apoiur financeiru husi governo Australia ba Governo Timor Leste ne'e formaliza liu husi asina akordu entre Embaisador Australia iha Timor Leste Reprerjenta Governo Australia no Vice Ministra Financas, Sara Lobo reprezenta Governo Timor Leste, akordu ne'e halao iha Edifisio Ministeriu das Financas Aitarak laran Dili, 26/05/2020.

Liu husi akordu ne'e governo Australia sei fornese assistensia financeiru hamutuk miliaun Hitu dolar Australia kampara ho dolar Amerika hamutuk miliaun 4,4. Orsamentu ne'e sei uza hodi finansia projetu infraestrutura komunitariu liu husi Programa Nasional Desenvolvementu Suku (PNDS), hodi nune'e bele rekopera ekonomia comunidade durante periodu Pandemia covid-19 ne'ebe afeira Mundu tomak inklui Timor leste.

Embaisador Australia, Peter Robert iha nia intervensaun hateten apoiu ne'e sei fo direita ba comunidade sira liu PNDS tanba Programa ne'e nudar programa fantastiku ne'ebe foka ba infraestrutura basiku hanesan be'e mos, centru saude, sistema irigasaun no projetu infraestrutura basiku sira seluk ne'ebe ho kualidade diak ho kustu ki'ik. Nune'e Embaisador Peter espresa katak Australia kontente tebes atu kontinua fo apoiu direita ba Timor Leste liu husi parseria ne'ebe iha entre Nasaun rua atu bele alinha ba sistema nasaun rasik, nasaun mak lidera no sistema nasaun nian (Country Own, Country Lead, Country system) hodi alkansa objektivo desenvolvimento tui objektivo nasaun Timor Leste.

Feto PNDS Asumi Kargu Chefia Husi Nivel Nasional to'o Nivel Munisipiu, Pojisaun Kargu Chefia ne'e Asumi Husi Feto Sira Wainhira ST-PNDS Selebra Loron Mundial Feto

Loron walu fulan Marsu hanesan loron mundial ba feto, tema mundial ba selebrasaun tinan 2020 mak "Womans take over" ou hau gerasaun igualdade. Iha Timor Leste espesial iha Sekretariado Tekniku Programa Nasional Dezenvolvimentu Suku (ST-PNDS) selebra mos loron importante ne'e hodi hala'o aktividade inportante rua mak hanesan kargu hotu iha PNDS entrega ba feto mak assumi durante loron ida tomak segundu mak hala'o mos talk show iha GMN TV hodi koaliala konaba involvimentu feto iha implementasaun PNDS. Aktividade ne'e hala'o iha Dili, 06/03/2020.

Diretora ST-PNDS, Dulce Guterres Junior hateten Objectivu husi realiza atividade importante rua ne'e mak nudar aktividade atu fo biban ba funsionariu feto iha PNDS ne'ebe hetan pozisaun importante kargu chefia iha ST-PNDS hodi aprende oinsa hala'o funsaun nudar Chefe no aprende prosesu oinsa foti desizaun ruma, alende ne'e fo biban mos ba feto iha PNDS (diretora , pontu fokal jeneru no EJS feto) hodi fahe sira nia esperensia no koniesementu konaba sira nia envolvimento iha PNDS no oinsa PNDS iha kompromisiu ba partisipasaun feto iha PNDS. Aktividade feto assumi kargu ne'e alende hala'o iha Nivel Nasional no Parseiru hanesan PARTISIPA.

Nune'e Diretora Nasional ST-PNDS, Dulce Guterres Junior hato'o parabens ba feto maluk sira hotu liliu ba funsionarius PNDS feto sira iha Nasional, Munispiu no EJS Suku, hanesan PNDS ita konsidera mos prinsipiu hanesan igualdade generu. Alende aktividade konaba feto assume kargu chefia, iha parte lokraik Sekretariado PNDS mos realiza talk show iha GMN TV hodi koaliala konaba involvimentu feto iha implementasaun Programa Nasional Desenvolvementu Suku.

PNDS

Hamutuk Ita
Dezenvolve Nasaun

Marsu 2020

Progresu

Pilotu: Remata ona

Faze 1 Siklu 1 : Remata Ona

Faze 2 Siklu 1 : Remata Ona

Faze 3 Siklu 1 : Remata Ona

Faze 1 Siklu 2 : Iha Etapa 10 (Sertifika, Enkontru Akontabilidade 50% Primeiru)


Faze 2 Siklu 2 : Iha Etapa 10 (Sertifika, Enkontru Akontabilidade 50% Primeiru)

Faze 3 Siklu 2 : Iha Etapa (Transferensia Fundus Operasional no Infrastrutura) Remata Ona 2017




Konstrusaun

Faze I Siklu 2



Faze II Siklu 2



Vice-Ministru Administrasaun Estatal no Ministra Edukasaun Juventude no Desportu Akompanha Husi Embaixador Nova Zelandia Oficialmente Inaugura Fatin Halimar (Playground) ba Pre-eskolar Nosa Senhora Peregrinasaun 1987 Clacuc

Fatin Halimar (Playground) Pre-Eskolar Nosa Senhora Peregrinasaun 1987 Clacuc, Oficialmente inaugura husi Vice-Ministru Administrasaun Estatal no Ministra Edukasaun Juventude no Desportu akompanha husi Embaixador Nova Zelandia iha Suku Fatukahi, Postu Fatuberliu, Munisipiu Manufahi (22/02/2020).

Vice-Ministru Administrasaun Estatal, Abilio José Caetano hafoin inaugura fatin halimar hateten katak fatin halimar ida ne'e hetan apoio husi Governu Nova Zelandia, tamba ida ne'e Vice-Ministru Administrasaun Estatal, Abilio José Caetano husu ba autoridade lokal sira inklui inan aman no professor/a sira hotu atu tau atensaun ba facilidades sira ne'ebé harii ona husi PNDS ho nune obra refere bele uza ho tempu ne'ebé naruk.

Iha oportunidade hanesan Ministra Edukasaun Juventude no Desportu, Dulce de Jesus hato'o liameno ba professor/a, lider komunitariu no inan aman sira atu tau atensaun hodi koidadu sasan sira ne'ebé maka oras ne'e harii husi Governu no Embaixador Nova Zelandia liu husi Programa HANDS no PNDS, nune Ministra mos apela nafatin ba professor/a sira atu kuidadu fatin halimar ne'e ho diak tamba eskola pre-eskolar Nosa Senhora Peregrinasaun 1987 Clacuc ne'e rasik seidauk iha moru.



Sekretariado Tekniku Programa Nasional Dezenvolvimentu Suku Oficialmente Inaugura Obra Fatin Halimar (PlayGround) iha Munisipiu Baucau

Inaugurasaun ba Fatin Halimar (Playground) ne'e inaugura iha Suku Trilolo, Postu Baucau Vila, Munisipiu Baucau ne'e partisipa husi Sekretaria Presidente Autoridade Munisipiu Baucau, Diretor Educação Munisipiu Baucau, Diretor Deocesano Caritas Baucau, Diretora Pre-Eskolar João Paulo II Baucau, Comandante Polisia Baucau, Diretor PNDS Munisipiu Baucau, funcionario Sec. PNDS inklui Munisipiu no inan aman husi alunos pre-eskolar João Paulo II baucau (14/02/2020).

Sekretaria Presidente Autoridade Munisipiu Baucau, nudar representante Presidenti Autoridade Baucau, Maria Cesaltina Viegas Relasiona ho Inaugurasaun ba Fatin Halimar (Playground) ne'e katak, hato'o agradesimentu ba PNDS no HANDS ne'ebé harii ona Fatin Halimar (playground) ba alin no oan Estudante Pre-eskolar.

João Paulo II Baucau, iha fatin hanesan, Maria Cesaltina Viegas espera katak Governu Nova Zelandia liu husi parseiru HANDS nafatin apoio ba eskola infantil sira ne'ebé presija Fatin Halimar (playground) iha eskola Pre-eskolar sira hotu, nune reprezentante presidente autoridade Baucau ne'e mos apela ba Autoridade lokal iha suku Trilolo Professor/a sira inklui inan, aman atu tau matan ba Fatin Halimar (Playground) ne ho nune ita nia oan sira bele uza ba tempu ne'ebé naruk, tamba los duni liu husi halimar hanesan parte aprendizajem ba prossesu aprende no deskobre susesu.



Atu hetan informasaun :
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl